



Ráiteas Corparáideach um Chosaint Leanaí

1. Ainm na seirbhíse atá á soláthar

Is í Comhairle Chontae na Gaillimhe an t-údarás áitiúil do Chontae na Gaillimhe.

2. Cineál na seirbhíse

Tá Comhairle Chontae na Gaillimhe freagrach as raon leathan seirbhísí poiblí a sholáthar lena n-áirítear Seirbhísí Eacnamaíochta, Seirbhísí Tuaithe, Forbairt Pobail agus Seirbhísí Corparáideacha, Airgeadais agus TFC, Seirbhísí Tithíochta, Seirbhísí Bonneagair agus Oibríochtaí, Seirbhísí Pleanála agus Comhshaol agus Seirbhísí Éigeandála agus laistigh de seo tá an cur i bhfeidhm leanúnach ar an Dualgas Comhionannais agus Cearta Daonna san Earnáil Phoiblí, le breithniú ar an ngá le idirdhealú a dhíothú, comhionannas a chur chun cinn agus cearta daonna a chosaint..

3. Prionsabail i dtaobh Cosaint Leanaí

Tá Comhairle Chontae na Gaillimhe tiomanta do chur chuige atá dírithe ar leanaí agus iad ag obair le leanaí i soláthar gach seirbhíse agus gníomhaíochta, ag aithint agus ag freagairt mar is cuí don éagsúlacht i measc leanaí i dtimpeallacht saor ó steiréitíopaí agus gach cineál idirdhealaithe. Tá dualgas agus freagracht chorparáideach fhoriomlán ar an Údarás Áitiúil maidir le cosaint leanaí a bhaineann leas as seirbhísí agus gníomhaíochtaí an Údaráis Áitiúil de réir Bheartas agus Nósanna Imeachta Chomhairle Chontae na Gaillimhe maidir le Cosaint agus Leas Leanaí. Tá Comhairle Chontae na Gaillimhe tiomanta don mhéid seo a leanas:

- Leas ginearálta, forbairt sláinte agus sábháilteacht leanaí a chur chun cinn, ag aithint an éagsúlacht i measc leanaí.
- A chinntiú go bhfuil nósanna imeachta i bhfeidhm do gach ball foirne/oibrí deonach, do sholáthraithe/conraitheoirí a sholáthraíonn ‘seirbhísí ábhartha’ agus atá fostaithe ag an gComhairle, agus do Ghrúpaí Maoinithe/Grúpaí Pobail i gcomhthéacs Seirbhísí Údaráis Áitiúil lena n-áirítear: nósanna imeachta stuama maidir le hearcaíocht, roghnúcháí, maoirseacht, tacaíocht agus oiliúna lena n-áirítear oiliúint ar éagsúlacht agus comhionannas.
- Treoir agus nósanna imeachta a fhorbairt do bhaill foirne agus oibríthe deonacha a bhféadfadh údar réasúnach inní a bheith acu maidir le mí-úsáid a d’fhéadfadh a bheith á tabhairt do leanbh a bhaineann leas as seirbhísí an Údaráis Áitiúil nó a ghlacann páirt i ngníomhaíochtaí dá chuid, nó faillí a d’fhéadfadh a bheith á déanamh ann nó inti.
- A chinntiú go gceapfar Oifigeach agus Leas-Oifigigh Idirchaidrimh Ainmnithe um Chosaint Leanaí Ainmnithe, lena n-áirítear oiliúint ar éagsúlacht agus comhionannas.
- A chinntiú go bhfuil nósanna imeachta i bhfeidhm ag an Údarás Áitiúil chun déileáil le líomhain mhí-úsáide a dhéantar i gcoinne fostaí/oibrí deonach
- Feasacht a spreagadh san eagraíocht faoi rioscaí a d’fhéadfadh a bheith ann i leith sábháilteacht/leas leanaí
- Nósanna imeachta soiléire a fhorbairt agus a choinneáil i bhfeidhm maidir le taifid a choinneáil
- A chinntiú go bhfuil Cód Iompair a i bhfeidhm i leith na bhfostaithe
- Próiseas comhoibrithe a fhorbairt le Tusla agus le gníomhaireachtaí eile a bhfuil baint acu le cosaint leanaí.

4. Cur chuige an Údaráis Áitiúil ina bhfuil béim ar an leanbh féin

Ní bhainfidh Comhairle Chontae na Gaillimhe úsáid as aon fhaisnéis maidir le leanaí ach amháin chun na críche ar tugadh í, faoi réir údar nó údair inní a bheith ann maidir le cosaint agus leas leanaí. Tá sábháilteacht, leas agus forbairt leanaí ina bpríomhthosaíocht ag an eagraíocht. Ag teacht leis an dea-chleachtas náisiúnta agus idirnáisiúnta, **níl aon ghlacadh** ag Comhairle Chontae na Gaillimhe le cineáil ar bith mí-úsáide ná drochúsáide.

5. Próiseas

Forbraíodh Beartas agus Nósanna Imeachta Chomhairle Chontae na Gaillimhe maidir le Cosaint agus Leas chun timpeallacht shábháilte a chur chun cinn do leanaí, chun an baol a d’fhéadfadh teacht chun cinn a mhaolú agus chun é a bhainistiú go sábháilte má thagann sé chun cinn, de réir na teorach i ndáil le Tús Áite do Leanaí. Ina theannta sin, leis na próisis a leagtar amach sa mheasúnú riosca thíos ag pointe 7, soláthraítear creat d’fhreagairt Chomhairle Chontae na Gaillimhe ar údair inní maidir le sábháilteacht agus leas leanaí.

6. Rialachas

Tá an Príomhfheidhmeannach, an Fhoireann Feidhmiúcháin agus na Bainisteoirí Líne cuí freagrach as féachaint chuige go gcloífear leis an Ráiteas Corparáideach um Chosaint Leanaí. Forbraíodh an Ráiteas Corparáideach seo um Chosaint Leanaí i gcomhréir leis na ceanglais faoin Acht um Thús Áite do Leanaí, 2015, le *Children First: An Treoir Náisiúnta do Chosaint agus Leas Leanaí* (2017) agus le *Child Safeguarding: A Guide for Policy, Procedure and Practice*, doiciméad de chuid Tusla.

7. Measúnú Riosca

Is ceanglas éigeantach é measúnú ar na rioscaí a dhéanamh de réir *Children First: An Treoir Náisiúnta do Chosaint agus Leas Leanaí*, 2017. Ní mór do gach réimse seirbhíse aonair den chomhairle measúnú riosca a dhéanamh ar aon seans go ndéanfaí díobháil do leanbh agus leas á bhaint aige nó aici as seirbhísí na Comhairle. Tá liosta ar fáil don phobal de na réimsí riosca a aithníodh agus na nósanna imeachta chun na rioscaí sin a bhainistiú. Ní gá ach an liosta sin a iarraidh. Measúnú uileghabhálach i gcomhair na heagraíochta is ea an measúnú riosca thíos.

A. An riosca nach gcomhlíonfar an tAcht um Thús Áite do Leanaí, 2015	• Beartas agus nósanna imeachta um Chosaint Leanaí a chur i bhfeidhm de réir an Achta um Thús Áite do Leanaí, 2015 • Nósanna imeachta cuí earcaíochta agus grinnfhiosrúcháin an Gharda Síochána i leith fostaithe agus oibrithe deonacha ábhartha • Nósanna imeachta grinnfhiosrúcháin cuí (de réir an Achta um an mBiúró Náisiúnta Grinnfhiosrúcháin, 2012-2016) i leith na bhfostaithe agus na n-oibrithe deonacha ábhartha go léir • Oiliúint chuí a chur ar Bhaill Foirne, ar Dhaoine faoi Shainordú agus ar an Oifigeach agus na Leas-Oifigigh Ainmnithe um Chosaint Leanaí • Oifigeach Idirchaidrimh Ainmnithe um Chosaint Leanaí agus Leas-Oifigigh Idirchaidrimh um Chosaint Leanaí a cheapadh • Daoine faoi shainordú a ainmniú san eagraíocht agus liosta na ndaoine faoi shainordú a bheith ag an Aonad Acmhainní Daonna • Measúnuithe Riosca a dhéanamh i leith gach Réimse Seirbhíse
B. Riosca de bharr baill foirne nó oibrí deonach	• Nósanna imeachta stuama ó thaobh na hearcaíochta de • Nósanna imeachta cuí maidir le Grinnfhiosrúchán an Gharda Síochána • Oifigeach Idirchaidrimh Ainmnithe um Chosaint Leanaí a cheapadh • Cód Iompair d’fhostaithe • Beartas agus Nósanna Imeachta maidir le Leas agus Cosaint Leanaí a chur i bhfeidhm de réir cheanglais an Achta um Thús Áite do Leanaí, 2015 • Oiliúint ábhartha maidir le Feasacht um Chosaint agus Leas Leanaí a chur ar na Baill Foirne, ar na Daoine faoi Shainordú agus ar an Oifigeach agus na Leas-Oifigigh Idirchaidrimh Ainmnithe um Chosaint Leanaí • Nósanna imeachta chun déileáil le líomhain mhí-úsáide a dhéantar i gcoinne fostaí nó oibrí deonach.
C. Riosca de bharr úsáideoir seirbhíse eile	• Cairt Chustaiméirí agus Cód Iompair do Chustaiméirí a bheith ar taispeáint d'úsáideoirí seirbhísí ag gach cuntar poiblí agus i bhfoirgnimh atá ar oscailt don phobal • Comhairle a chur ar Thuismitheoirí/Caomhnóirí maidir leis an ngá atá le maoirsiú cuí a dhéanamh ar leanaí i gcás seirbhísí agus i gcás foirgnimh atá ar oscailt don phobal.
D. An riosca nach n-aithneodh ball foirne/oibrí deonach díobháil nó údar imní	• Oiliúint ábhartha maidir le Feasacht um Chosaint agus Leas Leanaí a chur ar na Baill Foirne, ar na Daoine faoi Shainordú agus ar an Oifigeach agus na Leas-Oifigigh Idirchaidrimh Ainmnithe um Chosaint Leanaí • Nósanna imeachta tuairiscithe soiléire a bheith i bhfeidhm de réir Bheartas agus Nósanna Imeachta Chomhairle Chontae na Gaillimhe maidir le Cosaint agus Leas Leanaí • Sonraí na nOifigeach agus na Leas-Oifigeach Idirchaidrimh Ainmnithe a scaipeadh ar gach ball foirne agus a gcuid sonraí teagmhála a bheith ar fáil ar an inlíon.
E. Riosca de bharr: Soláthraithe/conraitheoirí a sholáthraíonn ‘Seirbhísí Iomchuí’ agus atá fostaithe ag an Údarás Áitiúil agus/nó; <i>Grúpaí Maoinithe/Grúpaí Pobail</i> a sholáthraíonn ‘Seirbhísí Iomchuí’ thar ceann an Údaráis Áitiúil nó a fhaigheann cúnamh deontais nó tacaíocht nó cúnamh ón Údarás Áitiúil	Lorgóidh an Chomhairle dearbhú sínithe ó sholáthraí/conraitheoir a sholáthraíonn ‘Seirbhísí Iomchuí’ agus ó Ghrúpaí Maoinithe/Grúpaí Pobail a sholáthraíonn ‘Seirbhísí Iomchuí’ thar ceann an Údaráis Áitiúil nó a fhaigheann cúnamh deontais nó tacaíocht nó cúnamh ón Údarás Áitiúil, ina ndéanfar an méid seo a leanas a dheimhniú: • Tá na sonraí a leagtar amach san Acht um Thús Áite do Leanaí, 2015, sa Treoir Náisiúnta do Chosaint agus Leas Leanaí, 2017 agus sa Treoir ó TUSLA léite agus tuigte acu • Tá Ráiteas um Chosaint Leanaí ullmhaithe acu atá i bhfeidhm agus ina sonraítear an tseirbhís atá á soláthar agus ina sonraítear na nósanna imeachta atá i bhfeidhm acu, mar a leagtar amach i gcuid 4.2 agus i gcuid 5.2 de Bheartas agus Nósanna Imeachta CCG maidir le Cosaint agus Leas Leanaí, chun aon rioscaí a mhaolú • Tá beartais agus nósanna imeachta cuí um chosaint leanaí curtha i bhfeidhm acu, a chlúdaíonn freisin ceisteanna neamh-idirdhealaithe agus oiriúnaithe don éagsúlacht. • Tá measúnú riosca déanta acu i leith soláthar na seirbhíse/an chonartha agus comhaontaíonn siad cloí leis na treoirlínte ar nósanna imeachta agus cleachtais atá sa Mheasúnú Riosca a rinneadh agus sa Ráiteas um Chosaint Leanaí a ullmhaíodh • Fuarthas nochtadh grinnfhiosrúcháin de réir an Achta um an mBiúró Náisiúnta Grinnfhiosrúcháin (Leanaí agus Daoine Soghonta), 2012 go 2016 maidir le haon fhostaí agus/nó oibrí deonach a dhéanann ‘obair nó gníomhaíochtaí rialta’, i.e., aon obair nó gníomhaíocht a dhéanann duine ar cuid riachtanach, rialta di é, go príomha, rochtain a bheith ag an duine ar leanaí nó daoine soghonta, nó teagmháil a bheith aige nó aici leo.

8. Údar Imní a Thuairisciú

Is féidir le duine ar bith údar imní maidir le mí-úsáid leanaí a thuairisciú. Má tá aon údar imní agat faoi leas/mí-úsáid linbh, ba chóir é a chur in iúl do Tusla. Is féidir tuairisc a dhéanamh go pearsanta, ar an teileafón, i scríbhinn nó ar líne. Is féidir le duine ar bith den phobal a bhfuil údar imní aige nó aici faoi leanbh i gContae na Gaillimhe teagmháil a dhéanamh le Tusla ar **091-546235**. Le haghaidh tuilleadh eolais nó má tá ceist agat, déan teagmháil le do thoil le hOifigeach Idirchaidrimh Ainmnithe um Chosaint Leanaí Chomhairle Chontae na Gaillimhe, an tUasal Kieran Keon, ar 091-509018.


I gcás éigeandála ar bith ina gceapann tú go bhfuil leanbh i mbaol láithreach agus nach féidir leat dul i dteagmháil le Tusla, ba chóir duit dul i dteagmháil leis an nGarda Síochána. Má tá leanbh i mbaol lasmuigh d’uaireanta oifige, déan teagmháil leis na Gardaí. Tá tuilleadh eolais faoi Chosaint agus leas Leanaí ar fáil ar www.tusla.ie.

9. Aiseolas

Is féidir aiseolas maidir le cur i bhfeidhm an bheartais seo ó éagsúlacht na ndaoine agus na grúpaí a bhfuil baint againn leo a sheoladh chuig an Uasal Ciarán Keon, an tOifigeach Idirchaidrimh Ainmnithe um Chosaint Leanaí.

10. Cur i bhFeidhm, Cumarsáid agus Athbhreithniú

Aithnímid gur próiseas leanúnach é an cur i bhfeidhm. Tá ár seirbhís tiomanta do chur i bhfeidhm an Ráitis Chorporáidigh seo um Chosaint Leanaí agus na nósanna imeachta lena dtacaítear leis an rún atá againn leanaí a choinneáil slán ó dhíobháil agus iad ag baint leas as ár seirbhísí. Déanfaimid cumarsáid leordhóthanach agus inrochtana ar an Ráiteas um Shábháilteacht Leanaí a chinntiú.Déanfar athbhreithniú ar an Ráiteas Corparáideach seo um Chosaint Leanaí gach 2 bhliain de réir an bheartais agus na reachtaíochta. Le haghaidh tuilleadh eolais faoi bheartais agus nósanna imeachta an Údaráis Áitiúil, déan teagmháil le Comhairle Chontae na Gaillimhe ar 091-509000 nó téigh chuig www.galway.ie.

Síniú: 

Príomhfheidhmeannach, Comhairle Chontae na Gaillimhe

Dáta: 08/04/2025